



भक्तिभावऽच पोशि डॉऽल्य


(लीलायि सॅम्बरन)

पीताम्बर कौल

विधि प्रकाशन

जम्मू तवी





भक्तिभावऽच पोशि डॉऽल्य


(लीलायि सॉम्बरन)

पीताम्बर कौल

विधि प्रकाशन

जम्मू तवी





लीलायि सॉम्बरन
© पीताम्बर कौल

गोडऽनियुक्त छाप : 2005 ई०

तेदाद : 1500

कम्प्यूटर कम्पोजिंग : अंगद बिज्जनस सेंटर
तअ छाप खानुँ 69-चाँद नगर,
जम्मू।

तरतीब तअ छपाऽय : सरिता कौल

कॉऽमथ : पंचाह रोंपअयि

किताब मेऽलनुक पय : लक्ष्मी कास्मेटिक्स
तहसील रोड़, गोल-गुजराल,
तलाब तिल्लो, जम्मू।
१५११५६७३४

A VIDHI PRAKASHAN PUBLICATION

16. शरनऽय चरनन तल बअ आसै	29
17. सुलि युस हारि निश लारि पर्वत	30
18. सुलि वुजनावतन दिलअ बुलबुल	31
19. भगवानअ सऽन्जि कोरे	33
20. हालि दिल भावऽहास थावि ना मे कन तै	35
21. आयि हय आयि हय शिव रात्री	39
22. त्रअविथ यनः गोम बाल बाल यार	41
23. शाम विजि मोरूम में श्रवण कुमार	42
24. गछि गछि अज हय छय राम नवमा	48
25. कन्यक भाव छुय तअ छख खोदमुखतार	51

1. गणेश लीला

वलअ-वलअ सऽति हेथ वलभाशोरी
लोलि ललनावथ गणपथ जी

कल छम गनेमऽच यऽचकाऽजी
वुछहान बब पपुन तअ बेयि मोजी
यितअ वऽन्य यितअ वऽन्य छय चे म्यानि दरऽय

लोलि ललनावथ गणपथ जी

छुस पोथुर चोनुय निनअ आमुत
गाड ह्युव ज़ालस हेन्अ आमुत
चे रुस कुस वन्य में मोकलावी

लोलि ललनावथ गणपथ जी

पापव तअ शापव में कोरमुत सूर
करमौ पनऽन्यौ ओनहम ग्यूर
बरअ गऽमतिस फिरतअ नवि सरअ तरी

लोलि ललनावथ गणपथ जी

मनसअ मन्ज चे करहाय जाय
पान चे आलवय छम मे चॉन्य माय
गाश अनतम छम आश चाऽनी

लोलि ललनावथ गणपथ जी

दिल में छु तोशन करअ बअ दीदार
बब यियम पनुनुय बोज़ि वीलज़ार
येमि जन्मऽच कासेम में हॉनी

पोशि गऽन्दय थावअ है अंदि अंदी
मालअ नअऽलि त्रावहय रंगअ रंगी
डखि कनि थावअ है जिगरूक तकी

च़रनन चानियन मीठ दिमअ हाय
लोलअ सान ज़ल तमिकुय चमअ हाय
करहाय दिल खूलिथ चे आरथी

जुवअ सअति च़रनन फश बअ दिमहाय
अशि वानि सअतिन श्रान करअहाय
लागअहाय शेरि पोश च़ॉअरि-च़ॉअरी

लोलअ चानि गोमुत्त देवानै
दर्शुन दितम नूरि नूरानै
सायस तल रठतम सायि सऽय

छुस हलम देंअरिथि चे मंगन दान
पॉअरि पॉअरि लगअहाय कर में पॉअरिज़ान
च़लिहम भयि भयि महाकालुनुय

अनुग्रह चानि सॅअति बनिय्म शांती
करियम दया छिम गछन में ब्रॅआती
यीरअ वनि नावि छुख तारवुन च़ऽय

लोलि ललनावथ गणपथ जी

लोलि ललनावथ गणपथ जी

लोलि ललनावथ गणपथ जी

लोलि ललनावथ गणपथ जी

लोलि ललनावथ गणपथ जी

लोलि ललनावथ गणपथ जी

लोलि ललनावथ गणपथ जी

सॉऽरिसऽय जगतस छुख सहाकार
छुय सोभाव शीतल दिम में शेहजार
सायि करतम पेठअ कल्प वृखी

लोलि ललनावथ गणपथ जी

आश छम सअति यिख माताजी
ऑऽरी सो छम बोजिय्म जॉऽरी
वीलअ जॉऽरी बोजि म्यानि दिलअची

लोलि ललनावथ गणपथ जी

छुस करन तोता बअ चोन सेवक
नाद पीतअ कोलुन यिनअ सा मशरख
कांख्या सेद्ध करतम मनअची

वलअ-वलअ सऽति हेथ वलभाशोरी
लोलि ललनावथ गणपथ जी

***** ◆ *****

2. गणेश लीला

चोन नाव हेनअ सअति लागि असि तार
महा गणपतसऽय छु जय जय कार

वेदव मन्जुअ साफ पेय्ठ छु ननान
भगवानअ सुन्द छुम युहय डीदयवान
कारन सानियन दिवान छुय तार

महा गणपतसऽय छु जय जय कार

डेढि पेय्ठ सातअ-सातअ भगवानस
ऑऽरी जॉऽरी करान छुस तस
थोवमुत तवय छुन खोद मोखतार

महा गणपतसऽय छु जय जय कार

भगवानअ पननि सभायि अंदर
गोडन्यथ प्रछुन अमिसऽय मशवर
यज्ञिन्यन हुमन मन्ज गोडअ अन्वार

महा गणपतसऽय छु जय जय कार

देवी तअ देवता गछान छिस शरण
सारिनऽय दीवन सुफॉऽरिश करन
जीवन हुन्द मटि अमिसय भार

महा गणपतसऽय छु जय जय कार

कलियोगुक छुम राजअ गणपत
दीवन तअ जीवन कइन हाजत
ऑऽरी यि कूताह छुस यिवन आर

महा गणपतसऽय छु जय जय कार

अँऽसि ति आयि फरियोदि फरियाद बोज
सॉऽतअ सॉऽतअ असि पेठ संतुष्ट रोज
मोकलाव कष्टअ मंजस असि यकबार

महा गणपतसऽय छु जय जय कार

पीतअ कौल इयेढि च्यानि डेकअ छु गऽशान
आश छम च्यॉनि छुस आशावान
पेतअरून छुसय छम नेत्रन धार

महा गणपतसऽय छु जय जय कार

***** ◆ *****

3. शारिका भगवती लीला

डेढि चानि पऽठ छुय चक्रीशोर
शारिका मोजॅय मेअ मुचराव बर

जिगरस करार दिम म्यानि जिगरी
करतम दया दितम मॉऽजि शॉन्ती
छुस पथर प्योमुत दितम रॅऽति वर

छियँ चोवापॉऽरय कम दीवीदार
थज़रस पेठअ कनि चोन दरबार
अऽदि-अंऽदि डल तै पम्पोशि सर

छख दिवान सानियन कारन तार
छिय रटन तवय चानि पुचि केन्ह गार
नेथँ सोरॉन नाव चोन ज़पान मन्त्र

छख दयालू मॉऽजै साऽनी
राज़ छख करान च़अय राजरॉऽनी
मनि मन्ज़ मॉऽजै थावतम घर

शारिका मोजॅय में मुचराव बर

शारिका मोजॅय में मुचराव बर

शारिका मोजॅय में मुचराव बर

शारिका मोजॅय में मुचराव बर

भक्तियून पननेन चअ हावान वथ
कन दौऽरि दौऽरि बोझान छख कथ
वर दीय दीय कासन अरअसर

शारिका मोजॅय में मुचराव बर

मनि मन्जु चोन मंत्र यिम जपान
आश पूर्ण तअ बेयि गाश नेत्रन
पानसऽय मंजु लबन छि चोन मंदर

शारिका मोजॅय में मुचराव बर

छुस मंगान सातअ सातअ चे बअ बेखिया
अख दितम दर्शुन बेयि करुम दया
बंदगी करिथ मंगान छु पिताम्बर

डेढि चानि पऽठ छुय चक्रीशोर
शारिका मोजॅय में मुचराव बर

***** ◆ *****

4. रौगिन्या लीला

फिकिरन म्यानियन कुस करि दूर
टिकरस मन्जु रौगिन्यायि हुंद नूर

श्रानअ सौऽति थानअ मंजअ मोकलन छि चूर
टिकरस मन्जु रौगिन्यायि हुंद नूर.....

टिकरस मन्जु दोरुन अवतार

शारदायि हेथे आयि वालऽनि भार
नामावौऽरी गयि दूर दूर

टिकरस मन्ज रौगिन्यायि हुंद नूर

शारदायि पुशरोवुन यि गरअ भार
पानअ थोवुन तुलअमुलि दरबार
वर थोवुन दिथ अति भरपूर

टिकरस मन्ज रौगिन्यायि हुंद नूर

तुलमुल वौऽचय राज करने
मन्जगामअ बीऽठय दय सोरने
राजसी अमिसऽज दखिन पछिम पूर

टिकरस मन्ज रौगिन्यायि हुंद नूर

जेठअ ओऽठअम क्युत योत छि वातन
सारिनऽय भक्तियून तसला करन
मनि कामनायन करनि मंजूर

टिकरस मन्ज रौगिन्यायि हुंद नूर

लारन भखिँति ओतें जोक दर जोक
माजि हुन्द मनि मंज थाविथ शोक
दितअ दर्शुन वौँनि मतअ हेतअ दूर

टिकरस मन्ज रौगिन्यायि हुंद नूर

मायि हअति छि आमऽति मायि बरिथऽय
सायिसऽय तल आयि रायि कऽरिथऽय
वुछुहोन मॉऽज्य तै करहोस गूरअ गूर

टिकरस मन्ज रौगिन्यायि हुंद नूर

मादल तअ पोश हेय हेय छि लारान
चानि बरअ तलअ सअऽरी छि प्रारान
दिलअकुय गुल फोल तअ तुलअतरव ब्यूर

टिकरस मन्ज रौगिन्यायि हुंद नूर

मॉऽजे च असि कुन नजराह त्राव
कॉऽन्ति कास वाव कॉऽन्ति दर्शुन हाव
फिकिरन साऽन्यन करतअ वऽन्य सूर

टिकरस मन्ज रॉगिन्यायि हुंद नूर

मॉऽजै च असि वऽन्य त्राव दामन
असवुन मोख हाव असि लूकन
अदअ देवअ चलिहे बदनुक ग्यूर

टिकरस मन्ज रॉगिन्यायि हुंद नूर

अँऽसि छिय पापौ कँऽरिमेंऽति नयबल
दर्शनअ चानि सॉऽति गछव नेरेंमल
थानअदार ऑऽसिथ बेनमऽति चूर

टिकरस मन्ज रॉगिन्यायि हुंद नूर

मॉऽजि छख दयालू दया करतम
अरअ सरअ वन्तअ मॉऽजि कर चलनम
कूप छुम कोरमुत करमौ अगूर

टिकरस मन्ज रॉगिन्यायि हुंद नूर

पॉऽपी तअ शॉऽपी शरण आसै
खोरन चान्यिन तल परन प्योसै
करमन हुन्द कासतम वऽनि खूर

टिकरस मन्ज रॉगिन्यायि हुंद नूर

चावअ सान यिम गछान माजि शरणऽय
भावअ पोश हेय हेय पूज करऽने
वर लऽबि-लऽबि छि गछान सरजोर

टिकरस मन्ज रॉगिन्यायि हुंद नूर

बावअ कन्द नाबद बअ भावअ सान
नाबद किशमिश भूच दोदअ हान
जाले रतनदीफ तय काफूर

टिकरस मन्ज रॉगिन्यायि हुंद नूर

दुपअ दीफ आलऽविथ करय आरती
नाना प्रकार चय मालअ नाऽली
गोडय माऽज भावय दोदअ चँडवोर

टिकरस मन्ज रँगिन्यायि हुंद नूर

अंदअ अंदअ फीरिथ पान वन्दहाय
ज्ञान करतम माँऽजि भरतम माय
अथअरोट कऽरिथी खारतम ह्योर

टिकरस मन्ज रँगिन्यायि हुंद नूर

शर छुम करअहा प्राणअ अभ्यास
हाव तम वथ माऽज यी तन्य पास
हावतम सु दीफ तै दुपऽच जूर

टिकरस मन्ज रँगिन्यायि हुंद नूर

शेरस पेठ माऽज नऽनि नेरतम
पीतअ कौलस मे तकदीर शेरतम
जोशि सान फोलनावतम पोशि डूर

फिकिरन म्यानियन कुस करि दूर
टिकरस मन्ज रँगिन्यायि हुंद नूर

***** ◆ *****

5. लीला

सोजि दिल बोज़ येति रोज़ि नाय कान्ह
कर सखर पानो घरअ गछख ना

कानून-इ-कोदरथ अथ छि वनान
छुय अटल यि इतिजाम छुनअ बदलान
मायायि तऽमिसऽजि लोब कऽमि थाह

कर सखर पानो घरअ गछख ना

यियि युस कांछा मृत्युलूकस
तस छु आऽखरस गछुन वापस
कथ थाव याद अथ क्याह छु चारा

कर सखर पानो घरअ गछख ना

याँ कर वोपोंय युथ तऽती रोज़ख
तिथिं कर्म कर युथ येती मोकलख
पानऽसी तान्य छुय कौंसि तान्य छा

कर सखर पानो घरअ गछख ना

छय दयन थाऽवम्अच हाऽविथ वथ
किथअ पाऽठि मोकलख तअ प्रावख गथ
मल त्राव मनऽकुय कल कर बा

कर सखर पानो घरअ गछख ना

मन छुय सु जानवर युस चे तारी
तथ अंदर छुय सुय युस न मारी
जानतन सुय हरता करता

कर सखर पानो घरअ गछख ना

मनअसऽय पनअनिस आलौ दियुन
पऽजि किन्य घर सुय प्रजनावुन
करअवुन सुय यति तति चारा

कर सखर पानो घरअ गछख ना

गुरु सुन्द वोपदेश गछि बोजुन
बोजनुय न तथ पेय्ठ गछि रोजुन
तारतन पान येति चार अमला

कर सखर पानो घरअ गछख ना

गरि गरि सत असत वेचारुन
कॉऽसि हुन्द हक ख्योन गछि त्रावुन
येति जन खेखँ तै तति श्रंपिया

कर सखर पानो घरअ गछख ना

पान गछि सातअ सातअ पुशरुन तस
येमि सम्सारची छे फिकिर यस
नाशी जान तन पऽनऽनि काया

कर सखर पानो घरअ गछख ना

सारिनऽय मन्जु जान तन सु भगवान
सारिनऽय जीवन मन्जु तसऽन्दि प्राण
छुह दिथ त्रावान मुह माया

कर सखर पानो घरअ गछख ना

मन गछि मायि सान मनऽनावुन
मनअकिस शब्दस कन थावुन
दिलसँय मंज लबऽहान दिलरुबा

कर सखर पानो घरअ गछख ना

देवानअ गोमुत बअ चानि बापथ

पीतअ कौल छुय वनान बोजतम यि कथ

नितम मोकलौऽविथ दितम चऽय पनाह

सोजि दिल बोज येति रोजि नाय कान्ह

कर सखर पानो घरअ गछख ना

***** ◆ *****

6. कृष्ण ज़नमस प्येठ शिवजी सुन्द कृष्ण दर्शुन करनि घरअ गछुन

लोगें वनऽनि जस्दायि शंकरशन

लछि नोव हावतन में वेशनारपन

जस्दायि येलि लोग आलवस कन

खोनि मन्ज़ थोवुन खटिथ मनमोहन

मंजलिस त्रोवुन तअ सोवुन ज़न

लछि नोव हावतन में वेशनारपन

पानअ द्रायि जूगिस अनऽम्येट हेथ

लाल-ओ-जवाहिर थालस प्येठ

मंदअछेयि वुछिथऽय छिन्दरेयि ज़न

लछि नोव हावतन में वेशनारपन.

नंगअ जूगिया वुछुन भंगऽचेथ मस

कालअ शहमारा मालि कनि तस

सूर मऽथिथऽय अऽसस नंगऽतन

लछि नोव हावतन में वेशनारपन

डाबॅर नाऽलि तै चुमटअ अथस
दोयि अथअ थफ करिथ कशकोलस
रूख वुछिथऽय अऽसि लुख खोचान

लछि नोव हावतन में वेशनारपन

हॅटिसऽय घंटा नाऽलि आँऽस तस
कोठि साँऽति ओसुस करान ठस
रोनिनऽय छोन्य छोन्य ओस करान

लछि नोव हावतन में वेशनारपन

दोपॅन्स गोसाऽनि माताजी जय
अन्नऽमोठ तअ धनऽमोठ कर मन्जमय
थनि चूर हावतन खोनि हेमहन

लछि नोव हावतन में वेशनारपन

वेन्ती कॅऽरनस जस्दाये
दोदअ शुर छुम तै गछिप्स छाये
बबि तल रूजिथ छु लबि खोचन

लछि नोव हावतन में वेशनारपन

जूऽगि वोननस छुम वुछुन सु नंदलाल
हावतन सेदि स्योद त्राव मूह-जाल
कोठ आव कृष्णस द्राव लारन

लछि नोव हावतन में वेशनारपन

जूगिस प्योव पादन तल गछिथ
जस्दायि वुछ गऽयि ज़न वेसअरिथ
खोनि ह्योत जूऽगि मोनि करन

लछि नोव हावतन में वेशनारपन

सर्पन तऽमिसऽन्दयन लोग गिंदन्ये
हो हो कोरऽनस मन्ज लोल्ये

तनि सऽति लागान ओसुस तन

लछि नोव हावतन में वेशनारपन

जूऽगि कोर दर्शुन खोशँ गोस मन

जस्दा चऽजि हेथ मनमोहन

गाव मन्साऽवऽन जाव नोवँ देन

लछि नोव हावतन में वेशनारपन

पीतअ कोलस ति छु योहै अरमान

मनि मन्ज वुछहान हरि नारान

गरि गरि थाविम्य संतुष्ट मन

लोगँ वनऽनि जस्दायि शंकरशन

लछि नोव हावतन में वेशनारपन

***** ◆ *****

7. कृष्णअ भगवान सुन्द पेन्दि गिन्दुन

ताव चोल गूपियन आव गूपाल

पेन्दि येलि गिन्दने द्राव नंदलाल

दोदँ तअ थऽन हेय हेय प्रारान छिय

कासि ओस दोदअ चोड़ कासि आऽस कीय

रंगअ-रंगअ मिठायौ छि भऽरि भऽरि थाल

पेन्दि येलि गिन्दने द्राव नंदलाल

गूरि शुऽरि आऽसि पतअ पतअ लारन

दोदअ चऽाठि भऽरि भऽरि वोथँरावन

वृछि नै गूपी तअ गछि मा गाल

राधा अंद कुन हेथ थाला
अथअसऽय केय्थ छस पोशअ माला
त्रावस तेलि येलि लायम बाल

मुरली शब्दा मन्जअ त्रावन
गूपियन ओस दिल रावऽरावन
असुना त्रावन तअ मारन डाल

गूपी आसस वनऽनावन
गिन्दने लोग येलि मनमोहन
बालि ज़न लारन पतअ-पतअ लाल

गुऽरि शुऽरि अऽन्दि-अऽन्दि राऽछि थावन
पानअ लोगुन मंजस बालि गियुन्दुन
ठिल कडऽन ज़ोरअ गऽयि जमनायि बाल

बालि वोल् सोदौमा छु नालअ दिवन
बाल-गोपाल तस मनऽनावन
बाल गऽयि काँली नागस काल

सोदौमन लोगनस बालि प्येठ न्याय
तस दयावानस दया अदअ आय
दोरि गव दिच तऽमि जमनायि छाल

गूपियौ ज़ोरअ-ज़ोरअ बाख दिचय
साऽरी आयि सैमिथ गूकलक्य

पेन्दि येलि गिन्दने द्राव नंदलाल

पेन्दि येलि गिन्दने द्राव नंदलाल

पेन्दि येलि गिन्दने द्राव नंदलाल

पेन्दि येलि गिन्दने द्राव नंदलाल

पेन्दि येलि गिन्दने द्राव नंदलाल

पेन्दि येलि गिन्दने द्राव नंदलाल

पेन्दि येलि गिन्दने द्राव नंदलाल

वदँअ-वदँअ लोगुख गोख बदहाल

पेन्दि येलि गिन्दने द्राव नदलाल

काऽली नागस घरअ येलि चाव
वुछ त्रेयौ तऽमि सऽन्जव खोशँ तिमन आव
खोनि खोनि ललनोवुख यचकाल

पेन्दि येलि गिन्दने द्राव नंदलाल

काऽली नाग ओस आरामस
श्याम गोस खसिथऽय पेठ शेरस
ग्रेकि आस रथ हेकि कति हीमॉल

पेन्दि येलि गिन्दने द्राव नंदलाल

नेत्रन तऽमिसऽय चऽज अदि जाल
गव शरन प्रजऽनोवुन सु गोपाल
दास छुस बअ चोनुय दीनदयाल

पेन्दि येलि गिन्दने द्राव नंदलाल

कनसस क्युत वातअनाव पम्पोश
घरअ कुन नेर वऽन्य थॉऽविथ होश
नऽस्ति रज करिथ खोतुस दीन दयाल

पेन्दि येलि गिन्दने द्राव नंदलाल

शुर छुम प्रारान गोम वऽनि चेर
जमनायि मन्ज जल जल चऽय नेर
बाल हेथ गोव खसिथ बालगोपाल

पेन्दि येलि गिन्दने द्राव नंदलाल

सारिनऽय लूकन गाश नोव आव
बाल नियि सोदॉमन घरअ कुन द्राव
पीतअ कोल छुस पतअ-पतअ वुछन चाल

ताव चोल गूपियनआव गूपाल
पेन्दि येलि गिन्दने द्राव नंदलाल

8. कृष्ण लीला

बन्दअ सऽन्दि वोन्दअ मतवालअ लोलो
सालअ यिम बालअ गूपालअ लोलो

चऽय छुख शक्ति, चऽय दिवान मुकती
मोकलावान मन्ज जालअँ लोलो

चऽय छुख ब्रह्मा करान पयदाऽशा
मोत छुख चऽय महाकालअँ लोलो

सालअ यिम बालअ गूपालअ लोलो

चऽय छुख महीश्वर, कासान सोन ज़र
नॉऽलि छय कालअँ मालअँ लोलो

सालअ यिम बालअ गूपालअ लोलो

चऽय छुख आकाश, सिरयि चन्द्रम तअ गाश
सागर बनिथ दिवान छालअँ लोलो

सालअ यिम बालअ गूपालअ लोलो

चऽय छुक पवन, प्रथ जायि दवन
आकाश तअ बेयि पातालअ लोलो

सालअ यिम बालअ गूपालअ लोलो

पानै अग्न तै पानै जल,

चोनवय दिशायि तै बेयि रसातल
सोनें तअ रोफ पेठअ हीमालअ लोलो

सालअ यिम बालअ गूपालअ लोलो

चऽय छुख जगतअ मंजअ सर्व व्यापख
असि पाऽपियन कर मोकलावख
म्यानि दीवअ दीन दयाल लोलो

सालअ यिम बालअ गूपालअ लोलो

चऽय छुख दीव तअ चऽय छुख जीव
चऽय छुख ब्रह्मा तअ चऽय छुख शिव
चोनुय जगथ जंजालअ लोलो

सालअ यिम बालअ गूपालअ लोलो

चऽय छुख पीतअ कौल, चऽय तसुन्द मोल
सारिनऽय जीवन मन्जु चोन ओल
अमि रौऽपअ मारान छालस लोलो

बन्दअ सऽन्दि वोन्दअ मतवालअ लोलो

सालअ यिम बालअ गूपालअ लोलो

***** ◆ *****

9. कृष्ण लीला

राधा छि प्रारान राधा कृष्णस
बिन्द्राबन किस वनऽसऽय मन्जु

होल छुम लोलन चाऽनीय बुछिनस

वुछिहथ पनऽनिस मनऽसऽय मन्ज
गरि बो द्रायस चाने वेरे लारन आयस दूरि दूरे
छम मे साऽति-साऽति गूपी तअ कोरे
दर्शुन हाव असि खेनसऽय मन्ज

बिन्द्राबन किस वनऽसऽय मन्ज

वेसअ दासअ आसनम हेडन तअ गेलन
खेलन छि राधा गोरियन साऽति
पामअ छम हेऽचमेऽच शामअ चानि वेरे
सावऽहथ मनऽचय वारे मन्ज

बिन्द्राबन किस वनऽसऽय मन्ज

पोफेअ मासअ छम दपान
चूरअ चूरअ कोत गछख
चूरअ छम मनऽसय चॉनी प्रय
लगहास पॉऽरी पॉऽरी जगतस सुँतारे
कमसस रटि तय चटि ज़न श्रंज

बिन्द्राबन किस वनऽसऽय मन्ज

गूपी नाथो गूपी छि लारन
लोलअ हचअ पतअ पतअ नंदलालस
बन्दअ चोन छु पीतअ कौल
वोन्दअ मन्जअ गारय
श्रीकृष्णस युस तारि म्योन क्रंज

राधा छि प्रारान राधा कृष्णस
बिन्द्राबन किस वनऽसऽय मन्ज

***** ◆ *****

10. कृष्ण लीला

गीता चानि मोखअ मन्जअ द्राये
लगहाय भगवानअ बलाये

गीता छि वनान छुख चअ कीवल
दीवन तँअ जीवन छु चोनुय बल
भूमि पेठ आकाश चोन साये

साखी छि गीता छुख चअ सोन मोल
कर्मन सारिनऽय हुन्द करन वोल्
“म्योन-म्योन” मनुश्यन करान जाये

लगहाय भगवानअ बलाये

दातअ छुख चँअ जगतुक सातअ-2 चँऽय
त्रयलूकी नाथ नाव चोनुय
छुख करान प्रलय चऽय अकी गगराये

लगहाय भगवानअ बलाये

ब्रह्मा-वेषणु तै बेयि महीशोर
नाव चोन ब्योन-ब्योन कुनुय चअ ईशवर
सारिनऽय हुन्द करवुन चअ पाये

लगहाय भगवानअ बलाये

लगहाय भगवानअ बलाये

समसार चोनुय पोशि बागा
रंगअ रंगअ लऽजिमऽच फुलयाह
फल तअ फूल चॉऽनी छि जायि जाये

लगहाय भगवानअ बलाये

दीव तै शिव छुय चोनुय नाव
यन्द्राजअ धर्मराजअ चोनुय प्रभाव
सोरुय ब्रह्मांड चॉऽनी मायाये

लगहाय भगवानअ बलाये

कोह तअ बाल चॉऽनी अख तमाशा
सिरयि चन्द्रम चोनुय निशाना
गरअ बार यिमअ लरि तै जाये

लगहाय भगवानअ बलाये

पीतअ कौलस ति कर अनि गटअ दूर
दातअ छुख वातअ चेय निशि पूरि पूर
कति छुख मतअ रोजतम छाये

गीता चानि मोखअ मन्जअ द्राये
लगहाय भगवानअ बलाये

***** ◆ *****

11. गौरी-शंकर लीला

दिम मे भक्ति-दान शम्भू
सर्व शक्तिमान शम्भू

पानअ छुख जटादाऽरी
असि ति वोनि कास खोरी
नेरि अरमान शम्भू

सर्व शक्तिमान शम्भू

दीवन राहत करान
विष्णु छुय चे पूजान
गणेश संतान शम्भू

सर्व शक्तिमान शम्भू

यन्द्राजअ छुय चे आधीन
सातअ - सातअ चे कुन लीन
नाव चोन सोरान शम्भू

सर्व शक्तिमान शम्भू

पानअ छुख गोसोन्य लाऽगिथ
समसारस चअ त्याऽगिथ
भस्मा मलान शम्भू

सर्व शक्तिमान शम्भू

गौरी छै चे टॉंठी त्रॅय
सातअ-सातअ साँति-साँति
पाद चॉंनि छलान शम्भू

सर्व शक्तिमान शम्भू

गंगअ मातायि हुन्द बजर
शेरि पेठ रटिथ छु शंकर
छै चे शूबान शम्भू

सर्व शक्तिमान शम्भू

वासुक हटिस वलिथ नाल
शुबअवुन क्याह सोंदरमाल
काल डालान शम्भू

सर्व शक्तिमान शम्भू

सरुफा योनि कने
सँहअ चम नाँडलि चे तने
दोनि जालान शम्भू

सर्व शक्तिमान शम्भू

भस्मा मलिथ छु तने
त्रिशूला छह ब्रॉन्ठऽकने
रामअ नाव सोरान शम्भू

सर्व शक्तिमान शम्भू

बालअ छस नाँडलय कनऽनऽय
मस्त कलन्दर छुय
चरसा चवान शम्भू

सर्व शक्तिमान शम्भू

रूजिथ छु अंद कुनुय
शिनिहस मन्ज नोर्नुय
यूग सादान शम्भू

सर्व शक्तिमान शम्भू

ऑऽरी छुख च़अ सेठॉ
क्रूदी ति नारअ त्रठा
तोति कोमलान शम्भू

सर्व शक्तिमान शम्भू

नन्द कीश्वर सवाऽरी
तस ति खोचान साऽरी
जगथ छुय नेमान शम्भू

सर्व शक्तिमान शम्भू

सऽतअ-सऽतअ पार्वती
गुल्य गडिथ करान चे अस्तुति
तसुन्द छु बोजान शम्भू

सर्व शक्तिमान शम्भू

सारिँय करान आजाद
बोजान साऽन्य फॅरियाद
छुख च़अ कोमलान शम्भू

सर्व शक्तिमान शम्भू

करी युस चे वेन्ती
बोजनस करन च़अ जलदी
गरिअ-गरिअ रछान शम्भू

सर्व शक्तिमान शम्भू

अस्तुति चॉन्य छुस करन
माफ करतअ अपराधन
छुख च़अ बखशान शम्भू

सर्व शक्तिमान शम्भू

छुस करन चॉऽन्य कीरतन
चॉऽनी सातअ सातन
छुस बअ अंजान शम्भू

सर्व शक्तिमान शम्भू

पानअ छुख निराहऽरी
असि क्युत वोपकाऽरी
जान्ह न तम्बलान शम्भू

सर्व शक्तिमान शम्भू

येलि केश त्रावान सुय
सायं कालसय
पानअ छु नचान शम्भू

सर्व शक्तिमान शम्भू

चरसुक ज़्यादअ शौकीन
चवान शिक्काह तअ आफीन
ति चेथ ति तोशान शम्भू

सर्व शक्तिमान शम्भू

तंग ओनुस अऽजिक्क वकतन
बंद कोरेंस कलियोगन
पानअ छुख वुछान शम्भू

सर्व शक्तिमान शम्भू

खोठँ करमौ बअ वोलेँमुत
शापौ साऽत्य गोलमुत
शाप ज़ालान शम्भू

सर्व शक्तिमान शम्भू

गऽछ मनस मन्ज़ मे शौऽन्ती
करतम दया वोन्य चऽय
कर गुफरदान शम्भू

सर्व शक्तिमान शम्भू

छुस गोमुँत सेठाह लाचार
आमुत करनि वीलअज़ार
छुख मेहरबान शम्भू

सर्व शक्तिमान शम्भू

भक्त्य करन छुस बअ फरियाद
पीतअ कौल करून आज्ञाद
दितम वरदान शम्भू

दिम मे भक्ति-दान शम्भू
सर्व शक्तिमान शम्भू

***** ◆ *****

12. शिव लीला

ही अगूरअ नीलअकण्ठ नाव यस सनि तै
लूभ त्रावि सोऽरी मूक्ष तस बनि तै

तस कत्यू रोजी युन तअ गछनुये
न रोजि दोख-दोद, न रोजि ज्योनेँ मुरन्ये
हनि हनि ओमकार मनि तस सनि तै

लूभ त्रावि सोऽरी मूक्ष तस बनि तै

जानि कुस महिमा अथ स्वरूपस
जगतऽस सारसऽय छु शेरस प्येठ युस
लगया भैरोनाथा चानि तनि तै

लूभ त्रावि सोऽरी मूक्ष तस बनि तै

अमि स्वरूपक छु सारिनऽय भय
योहै स्वरूप सारिनऽय छु दिवान जय
रंगअ रंगअ सर्पअ मालाअ नीज यस छि तन तै

लूभ त्रावि सोऽरी मूक्ष तस बनि तै

ब्रह्मा रूपअ अमिसऽजय छे यि श्रृष्टी

वेष्णु रूपअ पालन थवन दृष्टी

शिवअ रूपअ छुस करान सूर हनि हनि तै

लूभ त्रावि सोऽरी मूक्ष तस बनि तै

संकल्प वरजेथ चोनुय स्वरूप

न छुस कांह तमन्नाह न छुस कांह शूक

वस्त्र ति नाँऽलि छिनअ अमिसऽजि तनि तै

लूभ त्रावि सोऽरी मूक्ष तस बनि तै

यूगअ मायियि मंज नगमअ करान

ढोल ढमरू तै चुमटअ वायान

हर्षस मंज यिथ करान छोनि-छोनि तै

लूभ त्रावि सोऽरी मूक्ष तस बनि तै

अथ स्वरूपस छिय दीव पूजान

मनअ पोच छुक दिवन योहय वरदान

त्रिशूल अँमिसुन्द करान रक्षिसन गनि तै

लूभ त्रावि सोऽरी मूक्ष तस बनि तै

योहय स्वरूप जल जल छु जार बोजन

अथ स्वरूपस लगहा बअ चरनन

पीतअ कौल बअ वंदहास पान हनि हनि तै

ही अगूरअ नीलअकण्ठ नाव यस सनि तै

लूभ त्रावि सोऽरी मूक्ष तस बनि तै

***** ◆ *****

13. ओम महिमा

महामंत्र है यह जपाकर जपाकर
हरि ॐ तत सत - हरि ॐ तत सत

हिरण्य ने जो अग्नि का खम्बा रचा था
वह निर्दोष प्रह्लाद क्योंकर बचा था
वह था कौन सा मंत्र उसकी जुबान पर

हरि ॐ तत सत - हरि ॐ तत सत

लगी कहने इक दिन हिमाचल कुमारी
कि है कौन सा मंत्र कल्याण कारी
वह बोले संभलकर महादेव शंकर

हरि ॐ तत सत - हरि ॐ तत सत

किया द्रौपदी को नंगा दरयोधन ने
मदद न करी उसे वीर पांडवों ने
वह बोली संभल कर महादेव शंकर

हरि ॐ तत सत - हरि ॐ तत सत

अगर हो किसी कष्ट ने तुझको घेरा
सहायक न हो उस जगह कोई तेरा
तो कर देगा कल्याण यह मंत्र तेरा

हरि ॐ तत सत - हरि ॐ तत सत

(नोट : अभी तक के छन्द किसी अज्ञात महात्मा ने रचे हैं—शेष छन्द मैं रचकर जोड़ दिए हैं—)

सुदामा ने संतोष कैसे धरा था
यही मंत्र उसकी जुबां पर सदा था
वह ब्रह्मा से मिला था इसी की बदौलत

हरि ॐ तत सत - हरि ॐ तत सत

आवागमन से छुड़ाता यही है
यह मोह भ्रम, भूकम मिटाता यही है
फिदा हो रहे इस पे अहले रियाजत

हरि ॐ तत सत - हरि ॐ तत सत

इसी मंत्र से वह ल्लीश्वरी भी
ब्रह्मा रूप बनकर इसी में मिली थी
यही नरक-ओ-जन्नत यही विष-ओ-अमृत

हरि ॐ तत सत - हरि ॐ तत सत

इसी की किरण ने जगत को रचाया
यही है वह बीज जिसने सब कुछ उगाया
इसी में है सब कुछ बनाने की ताकत

हरि ॐ तत सत - हरि ॐ तत सत

यही चार वेदों की है जड़ असली
इसी की किरण है महागायत्रीय भी
निराकार की जो दिखाती है सूरत

हरि ॐ तत सत - हरि ॐ तत सत

इसी में समाया है ईश्वर-महेश्वर
परम-ब्रह्म परमात्मा का यही घर
यही आब-ओ-खाक और यही सारे पर्वत

हरि ॐ तत सत - हरि ॐ तत सत

यही आत्मा जानदारों में बनकर
नबातात जमादात भूमि में जमकर

यह केवल है मालिक नहीं कोई शिरकत

हरि ॐ तत सत - हरि ॐ तत सत

यही रास्ता है यही है वह तदबीर

इसी पर खाँ था वह ऋषि काक पीर

यही जानने से वह पाया परमगत

हरि ॐ तत सत - हरि ॐ तत सत

यही जपते-जपते वह परमानंद

किया पार उसने सम्सार-खंड

प्रेम से सुबह-शाम जपता था नित

हरि ॐ तत सत - हरि ॐ तत सत

इसी के कर्म से मुनि और जती

इश्क से फिदा होके पाई गति

तरक करके हिस-ओ-हवज हाजत....

हरि ॐ तत सत - हरि ॐ तत सत

इसी की दया से सभी देवता

अमर होके हमराह-ए-परमात्मा

नहीं कोई रंज-ओ-गम नहीं खौफ-ए-मृत

हरि ॐ तत सत - हरि ॐ तत सत

इसी शुद्ध वजह से जपो ऊंकार

यही है वह कश्ती जो करदेगी पार

तरक करके खुदी समर रगबत

हरि ॐ तत सत - हरि ॐ तत सत

इसी एक अक्षर पे ल्लेश्वरी भी

वह ललवारव कहकर सदा जप रही थी

यही शांतरूपी है, शांती की शर्बत

हरि ॐ तत सत - हरि ॐ तत सत

कृष्ण ने वह गीता में क्या कह रखा है

यही एक मंत्र हमारी दवा है

अमल करते जाओ हस्ब-ए-हिदायत

हरि ॐ तत सत - हरि ॐ तत सत

यही है हमारा मुश्किल-कुशों

हमारे लिए है इसी में वह ज्ञान

मिलेगी हमें जीत, करामत, फरागत

हरि ॐ तत सत - हरि ॐ तत सत

मैं पीतकौल भी हूं इसीका तलबगार

नम्रता से विनती सुनो मेरे ऊँकार

पिलादो यह मोरिफत दिखादो वह कुदरत

महामंत्र है यह जपाकर जपाकर

हरि ॐ तत सत - हरि ॐ तत सत

***** ◆ *****

14. नारायण लीला

दारि-फाँडनी वारि हुन्द

वन्तअ कुस छुय बागवान

नाव ओमकारा छु येमिसुन्द

प्रथ दिलस मन्ज सुय बसान

अन्थह रुस्तुय रौंफ़ तस छुय

सिरियसडय मंज गाश सुय

बावेंअ लूकपाल लौंगथय छु

जरस जरस मन्ज सुय बसान

नाव ओमकारा छु येमिसुन्द
प्रथ दिलस मन्ज सुय बसान

ज्योत लॉङ्गिथ मन्ज छु अग्नस
जोर तऽमिसुन्द सागरस
भूमि पेठअ कनि छातअ हयुव
यऽमि थोवमुत छुन आसमान

नाव ओमकारा छु येमिसुन्द
प्रथ दिलस मन्ज सुय बसान

भूमि कायि प्येठ ववान
अबदअ बँदि अकसाम सुय
पॉडअ कऽरि कऽरि वादअ सूरिथ
छुस करान पानै फान

नाव ओमकारा छु येमिसुन्द
प्रथ दिलस मन्ज सुय बसान

वारि सम्साऽचि छु लागन
छुस करान रंगाब-रंग
ओबुर लॉङ्गिथ आसमानस प्येठ
छु हनि हनि सुय दवान

नाव ओमकारा छु येमिसुन्द
प्रथ दिलस मन्ज सुय बसान

सोरूय मण्डलाकार येमि
खेला बनाऽव नापायदार
पानअ रूजिथ छायािहोल सुय
पाय सारिनऽय हुन्द करान

नाव ओमकारा छु येमिसुन्द
प्रथ दिलस मन्ज सुय बसान

दीवदारन कोहसारन
पोशिजारन मन्ज बसान

सुय हरी हर सुय छु ईश्वर
तस कुनुय सॉऽरी नेमान

नाव ओमकारा छु येमिसुन्द
प्रथ दिलस मन्ज सुय बसान

जॄरअ जॄरस मँज सुय छु रोजॄन
प्रथ अकिस बोजॄन छु जॄर
नाशि रूस्तुय गाशि रूस्तन
युस न बोजॄनअ छु यिवान

नाव ओमकारा छु येमिसुन्द
प्रथ दिलस मन्ज सुय बसान.

ला मकानस, बे निशानस
पीतअ कौल आलव दिवान
पीतअ कौलऽय पीतअ कौलस
पऽअनि पानै छुय सोरान

नाव ओमकारा छु येमिसुन्द
प्रथ दिलस मन्ज सुय बसान

***** ◆ *****

15 शारिका लीला

शारिकाऽय बअ लगै पॉऽरि पॉऽरी
शेरि पोश लागै चॉऽरि चॉऽरी

वेरि चानि प्रारान मे वोत यचकाल

नेरि नॅऽनि मोजै शेरि अथअ मे डाल
सोनअ सँऽन्दि अथअ छी चे वन्हॉऽरी

शारिकाऽय बअ लगै पॉऽरि पॉऽरी
शेरि पोश लागै चॉऽरि चॉऽरी

पँच अछर नाव चोन शारिका
नेत्र प्राण पनऽनी चे मँऽज्य वन्दऽहा
धॉनी चअ कौऽचा धनअ धॉऽरी

शारिकाऽय बअ लगै पॉऽरि पॉऽरी
शेरि पोश लागै चॉऽरि चॉऽरी

त्रेयलूकी हऽन्ज पादऽशँही
शक्ति रूपअ किन्पि करन शारिका जी
दीवी तअ दीव पूजान चे साऽरी

शारिकाऽय बअ लगै पॉऽरि पॉऽरी
शेरि पोश लागै चॉऽरि चॉऽरी

अनँऽधनअ दिनऽकुय छुय चे आदिकार
अन्ऽग्रेह चानि साऽति प्रावअ मोक्ष द्वार
शापअ लद सँऽय वाल पापअ बाऽरी

शारिकाऽय बअ लगै पॉऽरि पॉऽरी
शेरि पोश लागै चॉऽरि चॉऽरी

छुस भखँऽति बअ चोनय मे क्याह छुम गम
शारिका मॉऽज्य येष्टअ दीवी छम
तारअ गौऽमितिस त्रवुम में ताऽरी

शारिकाऽय बअ लगै पॉऽरि पॉऽरी
शेरि पोश लागै चॉऽरि चॉऽरी

करमन म्यान्यन कुन नजर कर
शेरतम पानय वरहऽलि अछर
आश छम में चॉऽनी म्यानि गम ख्वारी

शारिकाऽय बअ लगै पॉऽरि पॉऽरी

शेरि पोश लागै चॉऽरि चॉऽरी

पीतअ कौलन कॅऽर अज् यि वेन्ती

सातअ सातअ थावतम रॉऽछि पनॅऽनी

फोलऽनावतम मनऽची वाऽरी

शारिकाऽय बअ लगै पॉऽरि पॉऽरी

शेरि पोश लागै चॉऽरि चॉऽरी

***** ◆ *****

16. शारिका लीला

शरनऽय चरनन तल बअ आसै

अष्टा दशि भुजी शारिकॉय जय

गुल्य गन्डिथ आसै करऽनि प्रणाम

कोन्दअ रंग खारतम यि मे छुम खाम

वरदान दी दी करऽनाव तय

अष्टा दशि भुजी शारिकॉय जय

सम्सारअ जालअ मन्ज् मोकलावतम

अथअ रोट कॅऽरिथऽय तारअ तारतम

बोजतम मॉऽजै सोजतम जय

अष्टा दशि भुजी शारिकॉय जय

मुह नेन्द्रे छुस वुज्नावतम

गटि मन्ज् मॉऽजै मोकलावतम

हावतम दर्शुन भावतम पय

अष्टा दशि भुजी शारिकॉय जय

बन्दअ छुस चोन मतअ मंदछावतम
परअ छेनिसऽय कुन नजर त्रावतम
मनऽची कांख्या सेद्ध मे करतै

अष्टा दशि भुजी शारिकॉय जय

चानि नावअ सॉऽती बनि कारि सिद्धी
शुद्ध गरअ तन तअ मन बेयि बुद्धि
कुलिनऽय फोलअनम गुलजरै

अष्टा दशि भुजी शारिकॉय जय

शाद छुम दिल मे अज शारिकाऽयै
नाद पीतअ कोलुन बोजख नै
वलअ-वलअ मॉऽजै बअ पाद छलयै

शरनऽय चरनन तल बअ आसै
अष्टा दशि भुजी शारिकॉय जय

***** ◆ *****

17. शारिका लीला

सुलि युस हारि निश लारि पर्वत
रबि गुल फोलनस लबि हाजथ

प्रातःकालस पनऽनुय गोण
अमि विजि सॉऽरी दीव कोमलन

त्रावख आलुछ तअ प्रावख गथ

रबि गुल फोलनस लबि हाजथ

दीवी तअ दीवता बाश आसन

पानअ भगवानस छि पोश लागन

संतुष्ट रोजन चित-अमृत

रबि गुल फोलनस लबि हाजथ

अमि विजि शक्ति करन छै दान

लोलअ होत भक्तिस साऽथि रोजान

कांसि हाजथ तै कांसि साँऽथि कथ

रबि गुल फोलनस लबि हाजथ

लोलअ पोश लागतस चॉऽरि चॉऽरी

मनस मन्ज रठतन मोऽज्य हॉऽरी

पजि लोलअ थावऽन तऽमिसऽन्ज सथ

रबि गुल फोलनस लबि हाजथ

आदि दीवस प्रणाम गोडँअ कँऽरिजे

शारिका माजि पतअ शरण गऽछिजे

पछ थौ तऽमिसऽन्ज गछ बा निथ

रबि गुल फोलनस लबि हाजथ

हनि हनि मनअसऽय मलऽहान छल

पानै वातरख पादन तल

शूक त्राव मोक्ष प्राव बे मेहन्त

रबि गुल फोलनस लबि हाजथ

लोलअ सऽय नाव प्योवना भखती

लोलुऽय सारिनऽय कुमलावी

लोलुऽय छु सारिनऽय हावान वथ

रबि गुल फोलनस लबि हाजथ

लोलअ पोश लाऽगिनै पीतअ कौलन

भखती पनऽनी कअरऽन अपर्ण

लोलअ होत आलऽवुन कौलअ मोहब्बत

सुलि युस हारि निश लारि पर्वत

रबि गुल फोलनस लबि हाजथ

***** ◆ *****

18. शारिका लीला

सुलि वुजनावतन दिलअ बुलबुल

कोन्गअ वारि फोलनय रंगअ रंगअ गुल

सुलि छुय आसन खोश यिवऽवुन पवन

दीवअ वाऽनी अथ अंदर दवन

बोलअनावुन सुय लोलअ बुलबुल

कोन्गअ वारि फोलनय रंगअ रंगअ गुल

दीवी तअ दीवता अथ वक्तस

पोशि पूजा करन भगवानस

ओरअ युस निष्कल बोजि सोजि दिल

कोन्गअ वारि फोलनय रंगअ रंगअ गुल

अमि विजि भगवान पानअ फेरान

कुस मनुष्य छु पजि मनअ ध्यान धारान

दिलऽसऽय फोलि तस तोलसी कुल

कोन्गअ वारि फोलनय रंगअ रंगअ गुल

गरअ-गरअ लक्ष्मी पानअ फेरान

दीवन त् जीवन छि चरचान

यिथिसऽय वक्तस मअ रोज़ गॉऽफिल

कोन्गअ वारि फोलनय रंगअ रंगअ गुल

लार बा दोरि दोरि लोलअ माये
शक्तिवान माजि निश शरिकाये
कल कर पानो वुनि छै सुल

कोन्गअ वारि फोलनय रंगअ रंगअ गुल

वनतस पनऽनी मनअ अरमान
बोजी सोय तै कडि फरमान
पछि सान मंगतस गछि हॉऽसिल

कोन्गअ वारि फोलनय रंगअ रंगअ गुल

करतस आलौ खोलीय बर
जारपारअ कऽरिथय मंगतस वर
दयि दरबारऽच्य सोजी बिल

कोन्गअ वारि फोलनय रंगअ रंगअ गुल

मॉऽज्य छम रोज़न अमि विजि शाद
मोहताजन बोज़ान फरियाद
सुलि लार बनि अदअ हलि मुश्किल

कोन्गअ वारि फोलनय रंगअ रंगअ गुल

पीतअ कौलन वोन भखित्यन कुन
पजि लोलअ माजि निश गछि लारून
स्योदँ कर नज़राह थोदँ मेति तुल

सुलि वुज़नावतन दिलअ बुलबुल

कोन्गअ वारि फोलनय रंगअ रंगअ गुल

***** ◆ *****

19. भगवती लीला

भगवानअ सऽन्जि कोरे
पोश लागोस शेरे

लारान छि दीव साऽरी
पूजा करऽनि शक्ति
हारि निशि वारि-वारे

पोश लागोस शेरे

रँगअ-रँगअ पोशि मालय
हेय हेय वअत कालै
बागवान चानि वेरे

पोश लागोस शेरे

आव हेऽथ ताजअ ताजै
पोशि डाल्य यन्दराजे
लारन छु दोरि दोरे

पोश लागोस शेरे

ब्यल, मादल तअ हीय पोश
आयि हेथ तिम पुरजोश
चाऽरि चाऽरि बेरि बेरे

पोश लागोस शेरे

फोलिथ आमुत छु पम्पोश
अपर्ण करऽनि पाना
शारिका चानि वेरे

पोश लागोस शेरे

मुशुक क्याह त्रोव तोलसी
शेरि प्येठ छु शूबॉऽनी
मॉऽज्य अज तारऽतारे

पोश लागोस शेरे

चानि लोलअ पम्पोशि डल
ही पोश तअ बेयि मसवल
रँगअ रँगअ पोशि वारे

पोश लागोस शेरे

आमऽच छे पानअ मादल
चामऽच पादन तल
वर मँगनि सरकारे

पोश लागोस शेरे

अश्कअ पेचान येलि आव
मुरऽछलअ करऽनि लजाव
जय जय चे सरकारे

पोश लागोस शेरे

केन्ह छि ज़ालन रत्तनदीफ
केन्ह छि आलवन दूपअदीप
आमऽचअ हूरअ सारे

पोश लागोस शेरे

कलियुगऽकि अऽसि बिचाऽरि
आमऽति हलम दाऽरि दाऽरि
असि ति अरमान नेरे

पोश लागोस शेरे

करनि आयि अँसि आरती
असि कुन मॉँजि नज़र दी
नंगऽनीय रंग खारे

पोश लागोस शेरे

मंगऽने आई चे
कमिअ आशायि हेय हेय
दयि पुचि करनि तसले

पोश लागोस शेरे

रंग तै रॉँफ चोनुय
कूप कासान सोनुय
गरिअ गरिअ चानि नीरे

पोश लागोस शेरे

मुश्कअ काफूर येलि आव
शोक अ सान दज़नि लजाव
मुश्कऽनि अंबारे

पोश लागोस शेरे

असि भखत्यौ कोर प्रणाम
कार् सॉँन्य अन्तअ अंजाम
विजि विजि तअ गरि गरे

पोश लागोस शेरे

भखँँति वुऽन यि पीतअ कौलन
शक्तिवान माजि हुन्द गोण
अथ दिम तैय कथह करे.

भगवानअ सऽन्जि कोरे
पोश लागोस शेरे

***** ◆ *****

20. कृष्ण लीला

हालि दिल भावऽहास थावि ना मे कन तै
हतै बालअ कृष्णस वन तै
जन्मस येलि आव कृष्ण-भगवान
वसुदेव तअ दीवकी आँऽस बाँदि वदान
नेचुवाह येलि वुछुख सिरियि ह्यूव प्रजलान
बोजे कनुस तै हेयस मा जान
कुनि नतअ कुनि जायि खटिथ थावतन तै

हतै बालअ कृष्णस वन तै

गमअकिस सदरस मन्ज ज़न गव
वासुदेव राज़स बम ज़न प्योव
लोलि मन्ज तुलहान च़लअहा बो
बन्द छुस अन्द कुन काँऽदखानो
वतअ छम बंद तै कति थावन तै

हतै बालअ कृष्णस वन तै

कृष्णअ भगवानस अदअ आयि ज़बान
वासुदेव राज़स वऽनिन दास्तान
नंदअ गोरिनि गरि छे कूराह ज़ेवान
वातनावतम तोतुय तऽती बचनम मे प्राण
मोह नेन्द्रहा पेयि राऽछि दारन तै

हतै बालअ कृष्णस वन तै

मुचरनअ आयि अदअ बर तै दारे
वासुदीव राजस ति छेनि हथकड़िये
तुलुन खोनि मंज तय गोव सु दूर
पोत फीडर-फीडर ओस वुछान कांह मा लारे
भगवानस ओस वनान हावतम मे माया
मोकलाव तम तअ कासतम मनऽच्य छाया
वति-वति ओसुम मोनि करन तै

हतै बालअ कृष्णस वन तै

कमि शोकअ सान ओसुस ललनावान
मनस मन्ज कम-कम सऽच ओस करान
जमनायि मन्ज येलि ओसुय तरान
पोन्य ओस रचि रचि ह्योर-ह्योर खसान
शेरि प्येठ रोटुन तअ गव मन्ज ख्यूबन तै

हतै बालअ कृष्णस वन तै

लरजुन हयोतुन तस पान सोरूय
कृष्णअ भगवानन अदअ व्यस्तोरुय
दोपनस जमना छम स्पर्ष करनि लारान
मनस मंज रटिथ कृष्णअ भगवान सुंद ध्यान
व्याद चऽज वासस तअ शाद गोस मन तै

हतै बालअ कृष्णस वन तै

कृष्ण भगवानन अदअ जंगि कोऽड वाश
पाद लेऽगि जमनायि आव तस अछन गाश
वसुदेव राजस अदअ त्रॉऽव तऽमि वथ
पोन्य गव वसिथ तै ह्योत तऽमि पथ
बालअ कृष्णस ह्येथ छालअ मारन तै

हतै बालअ कृष्णस वन तै

जसदायि निशि वोत कोरेंनस हाल हालऽय

शरअ चानि आस अज बअ यचकाऽली
लाल छुय हवालअ यचकाल रऽछिजेन
कोरिहान बदलअ दिम तअ वसनै त्रिहण
पान ओस गोलमुत तऽमि ति हन हन तै

हतै बालअ कृष्णस वन तै

कन्या तुजिन तै आव लारान
दीवकी निशि थऽवन ओस ओश हारान
बर गयि बंद तै नरि हथकड़ियै
क्रख दिच कोरि ज़न पेयि सो लरिये
राऽछय दारन ऋयूर क्रेकि सॉऽति हेस
माजि ज़न थनअ पेयि ऑऽस वदनतै

हतै बालअ कृष्णस वन तै

शेऽछ हेथ लारेयि तिम राज़अ कंसस
थर चायि कंसस तुझ तऽमि दव
ननअवूर कोम्लयोव ज़न तापअ सॉऽति ग्यौ
दीवकी छु खोनि मंजअ दीवी निवन तै

हतै बालअ कृष्णस वन तै

कनसस वोथमुत ओस तलवास
कोरिहॉन कड्डेन कडिहस कनि प्येठ टास
अथअ मंज चऽजिस गॅऽयस वुडिथ वुजमला
कनसस कोरुन अज बेयि योहै छला
काल आस जन्मस ओस थारन तै

हतै बालअ कृष्णस वन तै

आकाशि प्येठअ होवुस दीवी पनुन वरून
दोपनस काल आय जनमस क्याह छुख करन
गूकुलस मन्ज चोन गालन वोला
सॉऽरिसऽय सम्सारस युस छुय मोल
बंद पेमतिस छु अदअ सु येलअ त्रावन तै

हतै बालअ कृष्णस वन तै

जसदासि रोछनखा सा गुगअ मंजले

गूरअ-गूरअ कोरनयासअ दूरअ फले

नंदअ गूर वोन्दअ मन्जअ नंदलालस

नेत्रन मंज ज़न रछान ओस

बालअ भावअ सँय मंज छुस खेलअ हावन तै

हतै बालअ कृष्णस वन तै

प्रेचि येलि प्योव लोग खेलअ करअने

गूरि शुरिनअ साअति वन गछने

बंसरी सँअति ओस मनअसुय फरान

वति पकवँनि ऑअसिस पतअ फेरान

खोनि खोनि ऑअसिस तिम ललनावन तै

हतै बालअ कृष्णस वन तै

मायायि हअन्ज मुरली ओस वायान

गूपियन सारिनअ ओस तम्बअलावान

राखिसन ज़न ओस काल लारान

कम कम वीर ऑअसि वुछिथ लरजान

किकि प्येठअ तुलन येलि गोवरधन तै

हतै बालअ कृष्णस वन तै

मोरअ मुकटअ यलि ओस शेरान

जगतस साअरिसअ मन हेथ चलान

बतअ बानअ त्राडिब त्राडिब आअसि पातअ लारान

गूपियन सँअति सँअति ओस रास खेलन

दोद चेथ चाअन्तिस थनि हान मथन तै

हतै बालअ कृष्णस वन तै

राज़न करियायेन कम कम छल

कोरि दयवअ दिल फेरि हावियान बल

दीवअ यछायि कुस सना छुय बदलन

वेचाँरिथि यी वोनय पीतअ कौलन
यी यछान दैय ती छु बनन तै

हालि दिल भावऽहास थावि ना मे कन तै
हतै बालअ कृष्णस वन तै

***** ◆ *****

21. शिव रात्री लीला

आयि हय आयि हय शिव रात्री
महाराज बनिथ वाति पानअ शिवजी

यजमन बनयोमऽत छुअ वेषणु भगवान
ब्रह्म जी हेऽथ आसिअ लारान
सालऽर आसन दीव त्रकूटी

महाराज बनिथ वाति पानअ शिवजी

पर्बत राजुन गरअ लारव
दर्शुन करऽनि तती प्रारव
पोशि पूजा करऽव पारवती

महाराज बनिथ वाति पानअ शिवजी

दीवता आसन साऽति दीवियन
गन्दर्ब आसान बाऽजि वायान
अऽछ रऽछ साऽति हेऽथ करन मंडली

महाराज बनिथ वाति पानअ शिवजी

परवती आयि कर्मलीऽखा

गुलि गण्डिथ छिस वनान वेऽल वऽतना
वऽन बनख च पानय आदि शक्ति

महाराज बनिथ वाति पानअ शिवजी

भगवान-भगवान साऽति साऽती
धर्मवान कर्मवान तिम सालरीय
सारिनय ब्रोन्ठ ब्रोन्ठ नारदजी

महाराज बनिथ वाति पानअ शिवजी

पर्वत राजुन लंगर जअरी
साल खयेय गय तति सीर सअरी
तोऽति रूदि बानअ बरिअ बरिअ सअरी

महाराज बनिथ वाति पानअ शिवजी

सअरय यि शक्ती हन्जय दयगथ
वाह वाह करान सअरी साल खयेथ
करि युस भक्ती बनेअस मुक्ती

महाराज बनिथ वाति पानअ शिवजी

महाराजुन येलि कोर अथवास
सारिवय दीवव त्रोऽव तलवास
जगतस साऽरसय गय त्रफती

महाराज बनिथ वाति पानअ शिवजी

तनअ पेठअ सोरूय जगथ पालान
नेत्रह वोहऽरवोद शिवरात्री देऽन
यूगियन अज गछान यूगस सयेदी

महाराज बनिथ वाति पानअ शिवजी

गरअ पत गरअ छी अज वातान
पारवती तैय शंकरशण
छायि रूजि रूजि वुछान छि मायि हती

महाराज बनिथ वाति पानअ शिवजी

आसि युस बेदार करान कीरतण
खोऽश गछिऽथ अंऽथ रूस छुस दिवान धन
नेरलूभ भक्तयेन परम गत्ती

महाराज बनित्थ वाति पानअ शिवजी

वनिथ कुस हेयकि महिमा अऽथ रअच
रूजितव गुलि गणिऽथ सअरी शुर त बअच
शिव लूकस निवान अजअ शिकअरी

महाराज बनित्थ वाति पानअ शिवजी

भखअत छुस बअ चोनुय मे सौरूम वाह
आश छऽम मे वअच वऽन हेरअ वुवाह
पीत कोलस ति कर मेहरबअनी

आयि हय आयि हय शिव रात्री
महाराज बनित्थ वाति पानअ शिवजी

***** ◆ *****

22. कृष्ण लीला

त्रअविथ यनः गोम बाल बाल यार
सनः गोम जिगरस अनः कति करार

माजि यलि सूजनस गअव हेथ वन
बनसरी चानि तति न्यूम चूरि मन
थयेकनअविथ कोरथम इकरार

सनः गोम जिगरस अनः कति करार

जादू बडिरथ ज़न चानि मुरली
गण्डिथ ज़न निवन सय रज़ि सअती
मायि चानि लारान छि बेइखतियार

सनः गोम जिगरस अनः कति करार

वादअ कोरथम बनावथ बअ रअनी
मशरअवथस क्या छम मे हअनी
तारि छस गअमच दितम वऽन मे तार

सनः गोम जिगरस अनः कति करार

पसः छस बह गअमच कस च टोठयोख
बुलबुल म्यानि कमिसुन्द गोवुय शोख
त्राव वनि मलाल तय हाव शेहजार

सनः गोम जिगरस अनः कति करार

खन्जि छम जिगरस लन्जि म्यानि बेह
मयानि दिलिजिगरो छुम में चोन शेह
सितम छुम दिलसय दितम वेसतार

सनः गोम जिगरस अनः कति करार

पीतकोलन ति करनय यि वेनती
मयानि श्री कृष्णो बोजुम चय
सितम कासतम यितम दितम वअन करार

त्रअविथ यनः गोम बाल बाल यार

सनः गोम जिगरस अनः कति करार

***** ◆ *****

23. श्रवण लीला

शाम विजि मोरूम में श्रवण कुमार
पाम थअविथ चोलुम राम अवतार

शेठि सासि वअसि यिथ क्या में योरूम
शूभिदार फतह लबिथ तोऽति होरूम
त्रिय बोज गोस तय वोथुम गटकार

पाम थअविथ चोलुम राम अवतार

राजसी कअरम सेठा चक्रवरती
धर्म दान हुम यगअन करिम कअती
नियम शुत्र जीनिथ गयम न ज़ाह हार

पाम थअविथ चोलुम राम अवतार

गोरन वजीरन प्रछि प्रछि पोकुस
त्रेयि लटि खान्दर करि करि थोकुस
वनअ दयन दारयोम गरी अवतार

पाम थअविथ चोलुम राम अवतार

आहिसर कअसि हुन्द छुनह फेरान
पानअ भगवान ति छुनह शाप शेरान
याद छम पेवान अनेन हन्ज़ सह अशिदार

पाम थअविथ चोलुम राम अवतार

लकचारन कोरनस ब बदमस्त
सायंकालस द्रास शिकारस
गयम में राय वसि कांह त्रेशि जानावर

पाम थअविथ चोलुम राम अवतार

मस्ती मन्ज पनने बह ओसुस
सायंकालन बह वुनअ रोवुस
सदा गोम कननय वोथ ज़न शिकार

पाम थअविथ चोलुम राम अवतार

निर्दया पअठ तीर दयुत मे दअरिथ
बे खबर रेशि जादह छुन मे मअरिथ
क्रख चज़िस नीरिथ बेयखतियार

पाम थअविथ चोलुम राम अवतार

थाँथरिथ बअ लारयोस प्रछुमस हाल
अथशर गोम खोत मे अटबारि काल
दिम सज़ा में अमिकुय छुस सज़ावार

पाम थअविथ चोलुम राम अवतार

तोरअ तअम फीरिथ आर सान वोऽन
छुस पशान मोल तय मअज छम ओऽन
त्रेश बरनि आयास बअ बरखोरदार

पाम थअविथ चोलुम राम अवतार

त्रेशि लद आसनम तिम मे प्राराना
त्रेश निख तअ अथशरकुय तिमन वन
रेज़ह छम गछान कडुम नेज़ह खुमरवार

पाम थअविथ चोलुम राम अवतार

तीर कोडमस तअ तम दयुत अमानथ
हचर लद हयुव बह लारयोस त्रेश हयेथ
चयेर क्याजि लोगुथ ओयना आर

पाम थअविथ चोलुम राम अवतार

त्रअेश हान दिथ वोनमख पनुन हाल
अथशर में गोयमुत छुस बअ चन्डाल
छम गथा गअमच छुस खतावार

पाम थअविथ चोलुम राम अवतार

बूजिथ तिमव ज़ोर-ज़ोरअ लअय बाख
तिम वदान छि पत्रस छम लगान श्राख
चोलुख क्याजि त्रअविथ च श्रवण कुमार

पाम थअविथ चोलुम राम अवतार

वीलह ज़ार कोरहोम असि वातनाव तोऽर
यथ जायि कालन सुह सरवन मोऽर
लाशि अथ डालहाव तः करहोस प्यार

पाम थअविथ चोलुम राम अवतार

दिलिजिगरस असि ति त्रावहाव त्रयेश
प्रछहोस तस क्या आव दरपेश
त्रअविथ सु चोल कस पयेठ सोन बार

पाम थअविथ चोलुम राम अवतार

नखस प्येठ तुलिम वस्येम दयेव मेय पादाश
हअवमख सरवन कुमारऽन लाश
खोनि मन्ज तुलिथ वोदुख सेठा ज़ार ज़ार

पाम थअविथ चोलुम राम अवतार

त्रेन मन्ज अकिसय असि औस गाश
सुति न्यूथ चयेति रूजिन्य अभिलाश
त्रयेशि रूस रयेश कडि-कडि गछ खार

पाम थअविथ चोलुम राम अवतार

शाप दयुतहम तअ गोस स्येठा पशेमान
छुस वुछान आकाशि प्येठ वोथ विमाण
सर्वगह लूकस छुः न्युन श्रवण कुमार

पाम थअविथ चोलुम राम अवतार

जिन्दह गोव सरवण तः लोऽगनख न्याय
गोडह करिव माजि मअल सुन्द मेय उपाय
सर्वगह खोतह जान छुम तुलुन युहुन्द बार

पाम थअविथ चोलुम राम अवतार

पूरह इन्द्रियव करहअस परीक्षा
मोऽल तय मअज हयेथ न्यूख यगजा
ऋण वथिस नखअ तय त्रेन लोगुख तार

पाम थअविथ चोलुम राम अवतार

आहिसर कंअंसि हुन्द छुनह बदलान
हुम या यज्ञण या करख धर्म धान
शाप आम वोऽगलिथ छुस गिरिफतार

पाम थअविथ चोलुम राम अवतार

छुस पशान कैकी दाह कोरऽनम
जिन्द जुवसय अमि चाह कोरऽनम
भरतऽनि खोतह औसुम वफादार

पाम थअविथ चोलुम राम अवतार

चओर जयेथ रूदुम तोति अरमान
त्रयेशि त्रयेशि कअरि कअरि न्यरेनम प्राण
दोख छुम मनसय तय हयेख रूखसार

पाम थअविथ चोलुम राम अवतार

वन्तअ कैकी च़ेय क्या बनिथ आय
राम चन्द्रन ज़्यादह असय च़े माय
निर्दया बनिथ चलअवथम मेय तलवार

पाम थअविथ चोलुम राम अवतार

यावनस मन्ज़ गोऽमुत मेय अथशर
अरि ज़न्गि लअजमच़ मेह पानय तबर
त्रेयश होत तह रेशः छोट कोऽरनस खार

पाम थअविथ चोलुम राम अवतार

वुनह वअजनम येलि कामदेवन
कैकी कोरूम पान जान अर्पण
खार करिथय दयुतनम त्रयेशि मार

पाम थअविथ चोलुम राम अवतार

कौशल्यायि हुन्द दिल मेय जलोऽवुम
कैकी पथ लकचार राऽवुम
लालह रोयि द्रायम यि काल शाहमार

पाम थअविथ चोलुम राम अवतार

लोलऽन चअन करऽनम वथवार
बोलुन ति छुम गछान स्येठा दुशवार
शुरि वानस आयम खुरि खार

पाम थअविथ चोलुम राम अवतार

कर्मफल छु भूगुन चारह क्या ओऽस
डमबि दय ज्येथ तोऽति मा बदल्योस
पापन तः शापन छुनह मोकऽजार

पाम थअविथ चोलुम राम अवतार

रोयि क्या हावह वऽन येथ जगतस
ययि वऽन वऽन सुय गौव बेहयेस
आव काल नादस तः द्राव यकबार

पाम थअविथ चोलुम राम अवतार

यिय वनान वनान लरऽजुन हयोतुन पान
त्रयेश त्रयेश कऽरि कऽरि त्रअविन प्राण
अन्द वोत वंअसि तय बन्द गोव द्वार

पाम थअविथ चोलुम राम अवतार

संसार सओरूय छुय यि फऽनी
चलिन लोऽग दीह तह वलनह आय रअनी
बाज चोल राज हयेथ तः रूज माज खार

पाम थअविथ चोलुम राम अवतार

पोज् छु वोनमुत्त तिमव दौनूतरव
त्रिय बोध करान प्रलयस आलव
गोऽरः बोध सअति छि लबान शेहजार

पाम थअविथ चोलुम राम अवतार

बूजितव लूकव जिन्दह छु भगवान
मोल तय मअज प्रतेक्ष ईश्वर ज्ञान
बन्दगी करूख जिन्दगी लबख तार

पाम थअविथ चोलुम राम अवतार

योदवय मोऽल मअज आसि गुणाहगार
सेवायि चानि सीऽत्त लागि तिमन ति तार
यिनह गछनच चलीय पानस चे लार

पाम थअविथ चोलुम राम अवतार

पेतर तअर पजि पअठ भागीरथन
कअऽम कअऽम राज् लागि बलायि पेत्रन
सुपुत्र छुख तह कर पित्रण उधार

पाम थअविथ चोलुम राम अवतार

भाग्यवान तिम यिमन जिन्द छु मोल मअज
बन्दह छिख तह जिन्दगी हुन्द वसयेख बोज
छय परीक्षा लबख जीत या हार

पाम थअविथ चोलुम राम अवतार

लडकस छुह भगवान मोऽल तय मअज
लडकी तार दियि पनुनुय औऽश
सुय कऽरेस नारस मंज गुलजार

पाम थअविथ चोलुम राम अवतार

यस त्रियि भरथा खोऽश रोजी
बअड साद पतिव्रता सय व्रीय
पजि पअऽठ छि प्रतेक्ष सअं दीवीद्वार

पाम थअविथ चोलुम राम अवतार

छुस करान साऽत साऽत यीबह विणती
भगवान यथनह कांह शाप मेह दियी
कन थाव पीतकौल छुय वनान ज़ार

शाम विज़ि मोरूम में श्रवण कुमार
पाम थअविथ चोलुम राम अवतार

***** ◆ *****

24. शारिका लीला

गछि गछि अज़ हय छय राम नवमा
दौछि दौछि भअगरान मअज शारिका

अज़ छिन चल त्रअऽवमित तअर बरनेन
मचरऽवमित छिन ठानः सोन्दकअन
कंअसि कंअसि वंअसि सुम्ब दिवान खरचा

दौछि दौछि भअगरान मअज शारिका.

वरियस छि आसान भक्त प्रारान
ताहरि चोटि हेयि हेयि अज़ छि लारान
अज़ वुछेन शूभिदार पनऽन मअजा

दौछि दौछि भअगरान मअज शारिका.

भखित प्येयि वअतिथ रात शामन
रअत रातस करऽख तसन्ज कीर्तन
दासह भाव किन करख रास मण्डला

दौछि दौछि भअगरान मअज शारिका.

रअउतरातस करख बेउदारी
शुरि तअ बअइ शरण गय माजि हअरी
रंग रंग करहअस पोशि पूजा

दौछि दौछि भअगरान मअज शारिका.

रत्नद्वीप जअलिख अंथरूसतीय
धूप द्वीप कोफूर तअ मुश्कतजी
माजि हन्ज लीला चोअर जूला

दौछि दौछि भअगरान मअज शारिका.

दूरि दूरि पेठह आमउत छि सेवक
अजः छि मअज शाद तय दाद बोउजेख
अथह दअर दअर छिस बतः दिखना

दौछि दौछि भअगरान मअज शारिका.

मायि चानि आमउत छि मायि हअती
जोश सान हेय हेय पोशि फअती
बोज तय जार सोज तय खरचा

दौछि दौछि भअगरान मअज शारिका.

माजि निश गछान यिम दिल फुटिथय
बोछिः मअज कासान छि मोछः वटिथय
अन धन ओरजुव-त-दादेन दवा

दौछि दौछि भअगरान मअज शारिका.

माजि हारि अज छु सोउन ताहरि साल
रंग रंग मिठायव छि बरि बरि थाल
गछि ना प्रसन्न करिना प्रसादा

दौछि दौछि भअगरान मअज शारिका.

स्वर्गद्वार हयुव गोमुत पुखरीबल
जशन छुख लोगमुत पादन तल
शेरस खसिथ नयेर वुछि तमाशा

दौछि दौछि भअगरान मअज शारिका.

बुड-त-बाल हर्शस मंज छि नचान
माजि बयेनि सारेय वनान छि वचन
दीव लूक प्येठ लारान छि दीवता

दौछि दौछि भअगरान मअज शारिका.

असि छि आमऽत मअज च़ेय सालस
अन्न धन सोज़ तय सोन थालस
सास रंग नाव चोन करत साया

दौछि दौछि भअगरान मअज शारिका.

असि छि कल्योगन करिमित खार
खोट कर्म करि करि गय गिरिफ़तार
बरत लोल पननुय करत पाया

दौछि दौछि भअगरान मअज शारिका.

कंगाल करिमित जंजालन
वालवाशि लगिमित मंज ज़ालन
नाद बोज़ व्याद सअऽन कासखना

दौछि दौछि भअगरान मअज शारिका.

केहअ छि धन बोऽछ केहअ ज़अल लोलन
प्रेम चानि पान तय प्राण डोलन
ध्यान चोऽन दरान पान हवखना

दौछि दौछि भअगरान मअज शारिका.

अज छख च़ मोजेय धन सोज़ान
मनकीय फरियाद कनअ बोज़ान
नेथननिनय डाल अथह अरदाह

दौछि दौछि भअगरान मअज शारिका.

नरि छय वारियाह करान छख धान
आर वअन यियतनय तअ करनाव ज़ान
छख रखान च़अ सारिनय ज़गथमाता

दौछि दौछि भअगरान मअज शारिका.

गुलि गण्डिथ बोजतय म्योनय प्रणाम
बन्द छुस बअ पीत कोल बन्द छुस गुलाम
छुस पुत्र बअ चोनय मेअ पेत्रखना

गछि गछि अज हय छय राम नवमा
दौछि दौछि भअगरान मअज शारिका

***** ◆ *****

25. त्रपोरसोऽन्दरी लीला

कन्यक भाव छुय तअ छख खोदमुखतार
ही त्रपोरसोऽन्दरी मेय अपोर तार
कल्योगस मन्ज नामावर
गर चोन नअमी प्येठह दिवसर
परियन हुन्द अन्दि अन्दि परिवार

ही त्रपोरसोऽन्दरी मेय अपोर तार

अऽरी छखय चय मअज हअरी
आँदीनन छख करान यअरी
मूक्ष दिनहकुय पालान आदिकार

ही त्रपोरसोऽन्दरी मेय अपोर तार

छख दयासागर च मयअँन जिगरी
आशायि पूर कर च मयानि दिलचय
रोटमुत मे छुमना चयोन दरबार

ही त्रपोरसोऽन्दरी मेय अपोर तार

कलिकालस मंजु छख च रछान
हाजथ कडान छख पुत्र बोछऽन
मंत्र चोनुय छु असि आदार

ही त्रपोरसोऽन्दरी मेय अपोर तार

वति डलिमितिनय वतअ हावान
दय सुन्द पय छख तिमन बावान
छुख यिवान अथि अन्दरिम सेतार

ही त्रपोरसोऽन्दरी मेय अपोर तार

दीवन ति अति मुश्किल गछान दूर
सतजन पऽथ हेवान छुय गयूर
हावान त बावान तिमन च ओमकार

ही त्रपोरसोऽन्दरी मेय अपोर तार

अन्दकनि रुजिथ छख च पानस
राजसी करान छख परिसतानस
हूरअ वायान जीरअ बम बिसियार

ही त्रपोरसोऽन्दरी मेय अपोर तार

आश छम वनि हावतय मेऽति गाश
येमी ज़नमअ करतय पूरअ मयेन आश
दासअ भावस छख च बखशनहार

ही त्रपोरसोऽन्दरी मेय अपोर तार

कमअ कम दास चेय मंऽगनि यिवान
कामनायि छख अति पूरअ सपदान
छख भेखयारयेन हन्ज च रक्षाकार

ही त्रपोरसोऽन्दरी मेय अपोर तार

मनषन हुन्द फरियाद बोज़ान
नयथऽननि नय छख सायि करान
हअनी कास बोऽज सअनी ज़ार

ही त्रपोरसोऽन्दरी मेय अपोर तार

वति प्येठ गोमुत छुस परेशान
कासतम गम करनावतम ज्ञान
सेवायि लागतम मेअ खदमतगार

ही त्रपोरसोऽन्दरी मेय अपोर तार

शर छुम हावतम पनिऽन चरनय
मयीठ दिमहाय पमपोष खोरनय
बर तल छुस प्रारान चानि दरबार

ही त्रपोरसोऽन्दरी मेय अपोर तार

वथ छमनह यिवान च हावतम शय
चानि दयायि सओत त्रावहा भय
छूः दिथ त्रावहा मोह समसार

ही त्रपोरसोऽन्दरी मेय अपोर तार

अनुग्रह पनुनय करऽतम वऽन
मन रोनिनय हुन्द बोजनावतम छोऽन
छुस उदअसी करतम च ओद्वार

ही त्रपोरसोऽन्दरी मेय अपोर तार

स्वामी दयानन्दन कअऽर अज दया
भरक्ती सओथ शोद कोरून आत्मा
सेवकन हुन्द कोरून पवित्र द्वार

ही त्रपोरसोऽन्दरी मेय अपोर तार

मनअ प्योम याद तय करूम फरियाद
पीतकोल हानदयुक तअ सऽति हेत साद
नावस लगहोय नाव बोऽठ खार

कन्यक भाव छुय तअ छख खोदमुखतार
ही त्रपोरसोऽन्दरी मेय अपोर तार



पीताम्बर कौल जायि कोलगामिकिस ह्यान्द चवलगोम गामस
मन्जु गणिशिवलकिस सायस तल! यिमौ कँडर रियासती सरकारऽकिस
आबपाँऽशी मँहकमस मन्जु मुलाजमथ तअ वँनि छि रिटायर
सपदिथ जेमि रोजान! यिमव छे हतअ बजअ लीलायि लेछिमचअ
यिमअ लूकन मन्जु मकबूल छें! किताबि हन्दिस् सूरतस मन्जु
छि यि यिहिञ्जन लीलायन हँऽञ्जु गौढऽनिच डौऽल्य!

विधि प्रकाशन

जम्मू तवी

